



Inatsisartuni ilaasortaq, Jens NapätôK', Partii Naleraq
/ maani

Upernavimmi sanaartorfissagissaanissat pillugit § 37 naapertorlugu apeqquteqaammut 2019-333-mut akissut

04-11-2019
Suliaq nr.: 2019 - 23098
Id nr. 46177462

Asasara Jens

Inatsisartut suleriaasianni § 37 naapertorlugu Upernavimmi sanaartorfissagissaanissat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Naalakkersusiut sanaartugassat suut pilersaarutigaat aallitinneqartussat isorliunerusuni?

Akissut: Ineqarnermut tunngatillugu Nunaqarfinni Isorliunerusunilu Ineqarnermut Pilersaarummut aningaasaliissutit 1. januar 2017-imi kommuninut tunniunneqarput, taamaattumillu taanna naapertorlugu sanaartorneq kommunit akisussaaffigaat. Kommunit tassunga ataatsimoorussamik tapiissutit aqqutigalugit 2017-imut 25,3 mio. koruuninik aamma 2018-imi 2019-imullu ukiuni taakkunani immikkut 26,7 mio. koruuninik tunineqarput.

Aamma 1. januar 2018-imi namminerisamik tapersiissutitalimmik inissialiortiternerit kommuninut tunniunneqarput, taamaattumillu tassanngaanniit sanatitsisunut namminersortunut tapiissutit kommuninit akisussaaffigineqalerput. Kommunit tassunga ataatsimoorussamik tapiissutit aqqutigalugit 2018-imut 2019-imullu ukiuni taakkunani immikkut 35,0 mio. koruuninik tunineqarput.

2017	Kommune Kujalleq	Kommuneqarfik Sermersooq	Qeqqata Kommunia	Qaasuitsup Kommunia
Nunaqarfinnut Isorliunerusunullu Ineqarnermut pilersaarut	4.559	5.537	4.976	10.228

2018	Kommune Kujalleq	Kommuneqarfik Sermersooq	Qeqqata Kommunia	Avannaata Kommunia	Kommune Qeqertalik
Nunaqarfinnut Isorliunerusunullu Ineqarnermut pilersaarut	4.107	5.066	4.546	8.361	4.672
Tapersiissutitalimmik inissialiortiternerq	4.201	14.234	5.800	6.684	4.081
Katillugit 2018	8.308	19.300	10.346	15.045	8.753

2019	Kommune Kujalleq	Kommuneqarfik Sermersooq	Qeqqata Kommunia	Avannaata Kommunia	Kommune Qeqertalik
Nunaqarfinnut Isorliunerusunullu pilarsaarut	4.085	5.067	4.600	8.204	4.796
Tapersiissutitalimmik inissialiortiterneq	4.157	14.268	5.833	6.642	4.100
Katillugit 2019	8.242	19.335	10.433	14.846	8.896

Tamatuma saniatigut umiarsualiveqarnermi sanaartornermut tunngatillugu Umiarsualivinnut Pilarsaarut innersuussutigineqarpoq, taannalu naalakkersuisut.gl-imi nassaarineqarsinnaavoq.

Aningaasaqarnermut Naalakkersuisoqarfik ilisimatitsivoq:
"Arlaleriarluni aningaasanut inatsimmiit sanaartornermut aningaasaliissuterpasuit ataatsimoorussamik tapiissutit aqutugalugit kommuninut nuunneqartarsimapput. Taamaalilluni qanigisanik tunngaveqarnerup, 2009-mi aaqqiussusseqqinnerup ingerlanneqarnissaa sioqqullugu politikkikkut annertuumik taperserseqartup naammassineqarnissaa siunertaavoq.

Tamatuma kingunerisaanik sanaartugassanik tullerriaarinq, tassungalu nunaqarfiit isorliunerusunullu ilanngullugit, kommunalbestyrelsit Nunap Karsianut sanilliullutik annertunerujussuarmik oqartussaaffigilerpaat.

Taamatuttaaq meeqqat atuarfiinik aammalu ulluunerani paaqqinnittarfinnik sanaartorneq aningaasaliissutitaat ilanngullugit 1. januar 2018-imi kommuninut nuunneqarput.

Aningaasaliissutinik nuussisoqaraangat, suliassaqarfimmut akisussaaffik aamma kommuninut nuunneqartarpoq.

Naalakkersuisuniit kommunit suliassaqarfimmi tassani namminersornerannik saneqqutsinissamik pilarsaaruteqartoqanngilaq.

Tamatuma saniatigut ilisimatitsissutigineqarsinnaavoq, sanaartukkani sulianik allanik, taakkunungalu assersuutigalugu inissianik attartortitsisarneq kommuninut nuussinissamut piareersarnissaq pillugu kommunit oqaloqatigineqarmata."

Ilinniartitaanermut, Kultureqarnermut Ilageeqarnermullu Naalakkersuisoqarfik ilisimatitsivoq:

"Qassiarsummi atuarfik:

2018-imut Aningaasanut Inatsimmi meeqqanut atualertussanut atuarfinnik meeqqallu atuarfiinik, kiisalu atuartut angerlarsimaffiinik sanaartornissamut aningaasaliissutit tullerriaarnissaannut aqunnissaallu akisussaaffik kommunalbestyrelsinit ataasiakkaanit tiguneqarput. Isumaqatigiissut matuma

siuliani taaneqartoq atsiorneqarmat, Namminersorlutik Oqartussanit Qassiarsummi atuarfik kiisalu atuartut angerlarsimaffiat pilersaarusiortugit ingerlanneqarput, taamaattumillu Namminersorlutik Oqartussat sanaartornermi suliaq taanna naammassissagaa illuatungeriinnit isumaqatigiissutigineqarpoq. Suliaq maanna siunnersortinut tunniunneqarsimalerpoq, taamaattumillu sanaartornissamut akuersissut suliasap suliarinnittussarsiuunnissaanut utaqqineqarpoq.

Upernaviarsuk:

Tamatuma saniatigut Upernaviarsummi Nunalerinermut ilinniarfiup pilersaarusiorteqarnerata 2019-imi naammassineqarnissaa eqqarsaatigineqarpoq. 2014-imi illut Nunalerinermut ilinniarfimmu attuumassuteqartut tamarmik qanoq issusii nalunaarsuiffigineqarput. Qanoq issutsimik nalunaarusiani taakkunani allassimavoq, iluarsaassinissamut pisariaqartitat 11,75 mio. koruuniusut. 2014-ip kingorna illunit taakkunanit arlallit ajorseriaqqippat, taamaattumillu nutaanik sanaartornissamut ataatsimut pilersaarusiornissamik pisariaqartitsisoqartoq naliliisoqarpoq.”

Peqqissutsimut Naalakkersuisoqarfik ilisimatitsivoq:

”Peqqissutsimut Naalakkersuisoqarfimmiit ilisimatitsissutigineqarpoq, maannarpiaq sinerissami nutaanik sanaartornissamut pilersaaruteqartoqanngitsoq.

Kisiannili Nuup avataani illuutitsinnik aserfallatsaaliuinermit ukiumut 33 mio. koruunit missaanniittut atorineqartarput.”

- 2. Naalakkersusiut Avannaata kommunianut tikeraarnernini iluatillugu nalunaarutigaaq isumaqatigiissuteqarsimallutik nunaminertanut ilulissani iliuseqarnissamut suleqataaniarlutik. Tamatumunngalu tunngatillugu paaserusunnarpoq?**
- a. Upernavik taamatut pilersaaruteqarnermut ilaatinneqarpa?**
 - b. Taamaangippat, Naalakkersuisut aaqqiiniarnissamut ukiorpassuanngtumi ajornartorsiumut annertuumut Upernavik illoqarfianut aaqqiinissamut peqataaniarpat? Inissianik sanaartorneq aallarteqqissinnaanissaanut?**

Akissut: Oqaatigineqartoq pillugu isumaqatigiissusiortoqarsimanersoq ilisimanngilara. Tamanna tunngavigalugu Aningaasaqarnermut Naalakkersuisoqarfik suliaq pillugu apeqquteqarfigaara, tassanngaanniillu ilisimatitsissutigineqarpoq:

”Aningaasaqarnermut Naalakkersuisoq Ilulissani sanaartorfissagissaanissamut ikiorsiinissamik neriorsuuteqarsimanngilaq.

Kommunip illoqarfinnik ineriartortitsinissamut pilersaarutaanut atatillugu ilaatigut ilulissani sanaartorfissagissaanissaq pillugu Aningaasaqarnermut Naalakkersuisup Nunanilu Avannarlerni Suleqatigiiffiup aammalu Avannaata Kommuniani borgmesterip akornanni oqallittoqarnerani apeqqut taanna tikiinneqarsimavoq. Ataatsimiinnermi tassani qanorluunniit ittumik neriorsuisoqanngilaq.”

Tassunga tunngatillugu ilassutigissavara, pilersaarusioneq aamma nunaminertat atorneqarnerat pillugu Inatsisartut inatsisaat nr. 17, 17. november 2010-meersoq naapertorlugu illoqarfinnik ineriartortitsinermut pilersaarusionissaq kommunit namminneerlutik akisussaaffigigaat. Tamanna aamma sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-meersoq naapertorlugu nunaminertanik sanaartorfissagissaasarnernut atuuppoq. Taakku saniatigut kommunit ukiuni aningaasaliiffiusuni tamani ataatsimoorussamik tapiissutinik tunineqartarput. Kiisalu nunaminertamik atuisinnaassummik pigisaqartoq sumiiffimmi sanaartorfissagissaanermut akileeqaataassanersoq kommunalbestyrelsinit aalajangerneqarsinnaavoq.

3. Ilmoorsinnaava ikiorpassuarni illut nutaanngilisut piiarnagit uningaannassasut ingammik illut ataasiakkt takujuminaarttorujussuit assersuutigalugu illut nutaanngitsut ikuallanikut taamatut takusassiaaginnassappat nunaminertanik taama amigaateqartoqartigitillugit inissialiornissamut?

Akissut: Piginnittup nunaminertaq akisussaaffigaa qulakkeertussaallugulu, tassungalu ilaatigut isaterinerit taamaalillunilu inissaqartitsilernerit ilaatinneqarput. Tamatuma malinnaaffiginissaa kommunip akisussaaffigaa. Aammattaaq apeqqut 2-mut akissut takuuk.

4. Naalackersuisut Ilulissanut neriorsuinerattuut Upernavik ilanngullugu iliuuseqalersaarpat, sanaartorfissagissaaneq illuliornissamut nunaminertat amigaataaqisut eqqarsaatigalugit, taamaasilluni ineriartorneq sanaartornerlu inissianik aallarteqqissinnaaniassammat. Tamanna pisariaqartinneqartorujussuummat Upernavimmi nunaqarfiinilu?

Akissut: Nr. 1-imut aamma 2-mut akissutit takukkit.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Karl Frederik Danielsen